

蜀藏叢書

第三十二冊

巴蜀珍稀教育文獻匯刊

主編 李

高志剛

成都時代出版社





蜀藏叢書

第三十二册

巴蜀珍稀教育文獻匯刊

主編 李勇堯 高志剛

成都時代出版社

目 錄

第三十二冊

四川省城尊經書院記 (清)張之洞 編 清光緒年間沔陽盧氏慎始基齋刻本

蜀秀集 (清)譚叔裕 編訂 清光緒五年成都試院刻本

(清)張之洞撰

四川省城尊經書院記

清光緒年間沔陽盧氏慎始基齋刻本



四

壽

川

院

尊

記

經

始基齋刊行  
沔陽盧氏慎

四川省城尊經書院記

同治十三年四月興文薛侍郎偕通省薦紳先生十五人投牒於總督學政請建書院以通經學古課蜀士光緒元年春書院成擇諸生百人肄業其中督部盱眙吳公與薛侍郎使之洞議其章程事屬草創未能盡一有所商略或未施行比之洞將受代始草具其稿商推定議諸生屢以記爲請曰礪石三年矣乃進諸生而語之曰奚以記爲哉諸薦紳之公牒吳公之奏牘緣起備具是卽記矣不勞複出也若夫建置書院之本義與學術教條之大端願得與諸生說之

尊經書院記

慎始基齋叢書

諸生問曰先生之與臺司諸公及諸鄉先生勦為此舉何  
意也曰若意謂何或對曰振卹寒士曰噫何見之左也使  
者教士之官非振貧之官也全蜀學生三萬人院額百人  
振百人遺三萬何益月費歲止數十金卽益以膏火未見  
能起其貧也

如為振貧則籌鉅款增廣錦  
江書院膏火數百名足矣

然則何為曰為

讀書讀書何用曰成人材蜀材之盛舊矣漢之郭卽韋為  
文學

張馬揚經之宗也宋之二王當  
傳二李燕  
心傳史范史之良也

其餘唐之陳李宋之五蘇范虞元之虞明之楊氣節經濟

文章之淵藪也方今

聖上敦崇經學祀漢太尉南閣祭酒許公於學宮試卷經

策空疏者磨勘有罰使者奉宣 德意識欲諸生紹先哲  
起蜀學然歲科兩試能進退去取其所已然不能補益其  
所未至批抹不能詳發落不能盡僅校之非教之也於是  
平議立書院分府拔尤各郡皆與視其學夫小人多少以  
爲等延師購書分業程課學成而歸各以倡導其鄉里後  
進展轉流行再傳而後全蜀皆通博之士致用之材也語  
云一人學戰教成十人萬人學戰教成三軍操約而施博  
此使者及諸公之本意也說本義第一  
諸生問曰先生之本意旣得聞矣學者之要如何日在定  
志適越而面太行馬愈良者去愈遠襄回於歧路者日行

尊經書院記

二 慎始基亦叢書

不能十里入院者爲學問也非爲膏火也掩卷而自考果能解乎逾月而自省學有進乎出接同舍歸而發憤我有以勝於人乎學海堂之三集詁經精舍文鈔之三編皆書院諸生所爲也何渠不若彼乎勿以一課之高下爲喜怒勿蒙昧鈔撮假借僥倖以自欺時不再至師不常得何所聞而來何所見而去是可愧也亦可悔也慎無徒以調院高材生之目招人彈射也說定志弟二

諸生問曰志在讀書矣宜讀何書曰在擇術宜擇何術曰無定經史小學輿地推步算術經濟詩古文辭皆學也無所不通者代不數人高材或兼二三專門精求其一性有

所近志有所存擇而爲之期於必成非博不通非專不精  
說擇術第三

或謂宜分經學小學屬焉史學輿地屬焉經濟國朝掌故屬焉算學天算屬焉

詞章爲五門各延一師弟子各執一業其法良善顧經

費太鉅不能辨也姑俟異日算學難得師省城有韓君紫汀精此可以問業

諸生問曰術聽人擇何爲必通經乎曰有本大學曰物有

本末論語曰本立而道生聖賢通天下事理言之謂之本

學人因謂之根柢凡學之根柢必在經史讀羣書之根柢

在通經讀史之根柢亦在通經或曰史與經何與不知史學要領在三史不通經學

小學未有能通三史者也通經之根柢在通小學此萬古不廢之理也

尊經書院記

三 慎始基齋叢書

不通小學其解經皆燕說也不通經學其讀史不能讀表  
志也不通經史其詞章之訓詁多不安事實多不審雖富  
於詞必儉於理

不通小學亦未有能盡通文選者也

故凡爲士必知經學小

學綜此兩端其在篤嗜神悟欲以此名家著述者終身由  
之而不盡若夫約而求之治說文者知六書義例之區分  
彙隸遞變之次第經傳文字通借之常例古今音韻之異  
同足以治經矣治經學者知訓詁之本義羣經之要指經  
師授受之源流儒先傳注異同長短之大端足以折中羣  
籍矣卽此數要先正老師其說已備其書俱存

猶軒語書目答問舉

之已

詳 稍求之深者治說文三年治經學七年通計十年不

爲多也求之淺者治說文一年治經三年通計四年益不  
難也苟有其本以爲一切學術沛然誰能禦之要其終也  
歸於有用天下人材出於學學不得不先求諸經治經之  
方不得不先求諸漢學其勢然其序然也人各有能有不  
能性各有近有不近如謂強人人爲經生博士而盡廢此  
外之學術何爲更以史論詩文課之哉說務本第四  
諸生問曰經學小學之書繁而難紀異同蠡起爲之奈何  
曰有要使者所撰輔軒語書目答問言之矣猶恐其繁更  
約言之經學必先求之學海堂經解小學必先求諸段注  
說文史學必先求諸三史總計一切學術必先求諸四庫

尊經書院記

慎始基齋叢書

提要以此為主以餘為輔不由此入必無所得說知要弟

五督部吳公初議入院者人給五經一釋文一史記一文

選一史記合評一如經費能辨可著為法更有國語國

策兩漢三國說文秘兼類歷代帝王年表簡明日錄

皆成都有版價直亦廉諸生節衣縮食亦須置之

諸生問曰既知要矣如何而得有效曰在定課人立日記

一冊記每日看書之數某書第幾卷起第幾卷止記其所

疑記其所得無疑無得不可強書不貴多貴真過目不貴

猛貴有恆不貴涉獵貴深思不貴議論貴校勘考訂不貴

強記貴能解能解方能記不貴剽新解貴通舊說不貴更

端貴終卷大略書三種說文一提要一其餘或經或史一

各擇一類監院督之山長旬而閱之叩詰而考驗之一課

分看可也

不中程者罰月費二課戒飭三課屏之院外說定課第六  
諸生問曰有依課計功而無所得者何也日不用心之咎  
也平日嬉娛臨課而搜索枵腹日日課試無益也緝書鈔  
撮姑以塞責檢之不能得讀之不能句摘之不得其起止  
鈔考据之書不能辨其孰爲引證語孰爲自下語也鈔記  
事之書不能瞭然此事之原委也如此則鈔之而仍忘引  
之而不解雖日日鈔書無益也作爲文章以勦襲爲逸以  
儲材爲勞讀近人淺俗之文則喜古集費神思則厭甘仰  
屋以課虛不肯學古而乞靈雖日日爲詞章無益也用心  
之狀古書雖奧必求其通不能通者考之羣書勿病其繁

尊經書院記

慎始基齊張書